



UKIUMI MISSINGERSUUSIORFIUSUMI 2015-IMI KOMMUNINUT ATAATSIMOOR- TUMIK TAPISSUTISSAT PILLUGIT ISUMAQATIGIISSUT

Ataatsimut

Kommunit aamma Namminersorlutik Oqartussat 22. januar 2014 aningaasartuutissanut missingersuusiortarnermut atatillugu nutaamik suleqatigiinnissamut isumaqatigiissuteqarput, kommunit aamma Namminersorlutik Oqartussat suleqatigiinnerat nutarteriffiginialugu, ataatsimoorlutillu aningaasarsiornikkut pisortat sullissineranni politikikkut aaqiissutissanik piffissamut ungasinnersumut atortuutinneqarsinnaasunik aqutissiuussiniarlutik. Illuatungeriit isumaqatigiissutigivaat isumaqatigiissut nutaaq uani pineqartoq pingaaruteqartoq, minnerunngitsumik innuttaasut ukioqqortususiisa annertuutigit ukiuni aggersuni allannguuteqariartornissaat eqqarsaatigalugu, taamalu aningaasarsiornikkut politikkip aqunneqarnissaanut piumasaqaataasut innuttaasullu atugarissaarnermi aningaasatigit atugassarisaasa ukiuni aggersuni tulleriarneqarnissaat eqqarsaatigalugit. Illuatungeriit akornanni iluarsaaqqinnikkut iliuusaasariaqartut aggersut pillugit oqaloqatigiittoqarpoq, taamaaliornikkut ukiuni aggersuni aningaasarsiornikkut attanneqarsinnaasunik atugassaqaarnissap isumannaarneqarnissaa siunertaralugu.

Aningaasartuutissanut missingersuusiortarnermut suleqatigiinnissamut isumaqatigiissuteqarnikkut illuatungeriit isumaqatigiissutigaaat ukiunut arlalinnut atuuttussanik ataatsimoortumik tapiissutissanut isumaqatigiissuteqartoqartalernissaa, tassuuna ungasinnerusumut isigisumik pilersaarusiornissamut periarfissaqartitsisarneq aqutissiuunniarlugu, akimut ersittumik pisortallu ingerlatsiviini tamani allaffissornikkut atortuutinneqarsinnaasutut aaqqissuussaasumik. Illuatungeriit erseqqissaatigaat pisortani unammilligassat eqqarsaatigalugit oqimaaqatigiissumik ingerlatsinissaq pisariaqartoq, tamatumalu ilutigisaanik kommunit aamma Namminersorlutik Oqartussat aningaasanik atuisinnaanermut pisinnaatitaaffii isiginiarneqassasut.

Ukiunut arlalinnut atortuusussanik ingerlatsivinni immikkoortunut assigiinngitsunut pilersaarusiortoqartassaaq, inuiaqatigiit ukioqqortussutsimi agguataarnerisa allanngoriartornerat aallaavigalugu, pisortat aningaasarsiorneranni ungasinnerusumut pilersaarusiornermi, illuatungeriit akornanni ukiumoortumik sammineqartartumik, kingornagullu aningaasanut inatsisip suliarineqarnerani kommunillu aningaasartuutissaasa suliarineqarneranni ilaatinneqarsinnaasumik. Suliniummik aallartitsinissamut iliuusissanik ingerlatsisoqalereerpoq, siunissami sanaartorfissagissaanerup kiisalu atuartut angerlarsimaffiinik – skolehjemminik – atuarfinnillu sanaartornerit isumagineqarnissaat eqqarsaatigalugit. Suliaq taanna 2016-imut ataatsimoortumik tapiissutissat isumaqatigiissutigineqannginneranni naammassineqareersimasaaq.

Siunissami ataatsimoortumik tapiissutitut isumaqatigiissutaasartussani perrassaataasunik aaqqissuussineqassaaq, taamaaliornikkut pisortat suliaasaataat sunniuteqarluartumik naapertuunnerpaamillu isumagineqartarsinnaaqullugit, ingerlaavartumillu tamanna nalilersuiffigineqartassaaq, aningaasaqarnikkut kingunerisai kisiisa pinnagit, aammali pitsaassuseq sulianillu ingerlatsinerup naam-magisimaarneqassusia eqqarsaatigalugit.

Aningaasartuutissanut missingersuusiortarneq pillugu suleqatigiinneq isumannaarneqatassaaq nuna-tsinni oqimaqatigiissumik ineriartornissamut, taamaattumillu ilaatigut ataatsimoortumik tapiis-suteqartarnermut naligiissaarinernullu ilutsimik nutaamik ineriartortitsineq aallartinneqarsimavoq. Maannalu aalajangiisoqareerpoq ataatsimoortumik tapiissuteqartarnermut naligiissaarinernullu aaqqissuussinermut nutaamut ilusissamik, taannalu 2015-imiit atortuulissaaq. Illuatungeriit isu-maqatigiissutigaat ilutsimik atajuartussamik suliaqarniarlutik, 2016-imiit atortuulersussamik. Tama-tumunngalu atatillugu paasissutissanut pisariaqartinneqartunut tunngavissanik pitsaanerusunik piler-sitsisoqassaaq, uuttuutunik arlaqarnerusunik kommunini aningaasartuutitsigut atugassarisaasunut tunngasunik imaqartumik.

Aningaasartuutissanut missingersuusiortarneq pillugu suleqatigiinnissamut isumaqatigiissutaasup imarisai killeqartumik 2015-imut ataatsimoortumik tapiissutissanut isumaqatigiissummi atortus-sanngortinneqarsinnaasimapput, taamaattumillu illuatungeriit isumaqatigiissutigaat sulissutiginiar-lugu isumaqatigiissummi tunngaviusut anguniakkallu sapinngisamik amerlanerpaat 2016-imiit ata-atsimoortumik tapiissutissanut isumaqatigiissummi atortuulersinniarlugit.

2015-imut kommuninut ataatsimoortumik tapiissutit

Kommuninut 2015-imi ataatsimoortumik tapiissutit 1.295.145.000 kr.-inik annertussuseqarput. Ilanngussami 1-imi atuarneqarsinnaapput ataatsimoortumik tapiissutit 2014-imut sanilliullugit a-llannguutaat. Isumaqatigiissummi immikkuualuttut matuma ataani allaaserineqarput.

1. Akinut akissarsianullu iluarsiiisutit

2014-imut ataatsimoortumik tapiissutitut isumaqatigiissummi 2015-imut ataatsimoortumik tapiissu-tissanut aallaaviusoq 1.302,6 mio. kr.-inik annertussuseqarpoq. 2015-imut isumaqatigiissummi ilaavoq kommunit inatsisit naapertorlugit ineqarnermut akiliutitut tapiissutaannut aamma siusinaar-luni soraarnerussutisianut atatillugu aningaasartuutaannut inaarutaasumik akiliuteqarneq katillugit 126,3 mio. kr.-inik annertussuseqartunik. Kiisalu 21,5 mio. kr.-it ataatsimoortumik tapiissutitut ilaa-pput, eqqakkanut kuuffiit iluarsarneqarnissaannut atugassat, illuanullu sammisumik aningaasanut inatsimmi kommuninut aningaasaliissutiniit 6 mio. kr.-it Danmark-imi aamma nunatsinni inissiisar-nernut qitiusumik aningaasaliissutitut immikkoortinneqartut. Ataatsimoortumik tapiissutitut 2015-imi aallaaviusoq siuliani pineqartut iluarsiiisutigereerlugit annertussuseqarpoq 1.160,8 mio. kr.-inik.

Illuatungeriit isumaqatigiissutigaaat 2015-imi ataatsimoortumik tapiissutissanut aallaaviusussaak akinut akissarsianullu iluarsiiisuteqartinniarlugu 1.160,8 mio. kr.-inik aallaaveqartumik 1,03 %-imik annertussusilimmik, taakkualu aningaasannorlugit 2015-imi 12,0 mio. kr.-inik naleqarput.

2. Ineqarnermut 2013-imi tapiissutit iluarsiivigineqarneri

Ineqarnermut 2013-imi tapiissutitut aningaasartuutit naatsorsuutigisamiit appasinnerulaarsimapput. Illuatungeriit isumaqatigiissutigivaat kommuninut ataatsimoortumik tapiissutit 2015-imi 971.000 kr.-inik appaavigineqassasut, 2013-imi atuinermi naatsorsuutigineqarsimasunut sanilliullugu inaarutaasumik naatsorsorneqarnerattut.

3. Siusinaarluni 2013-imi soraarnerussutisiat iluarsiivigineqarnerat

2013-imi siusinaarluni soraarnerussutisianut aningaasartuutit natsorsuutigisaniit annikinnerungaatsiarsimapput. Illuatungeriit tamanna tunngavigalugu isumaqatigiissutigaaat kommuninut ataatsimoortumik 2015-imi tapiissutit 17.344.000 kr.-inik appaavigineqassasut.

4. Danmark-imi nunatsinnilu inissiisarnernut atatillugu qitiusumi immikkoortitat

Innarluutilinnut atatillugu suliaasaqarfiup 2011-imi kommuninut nuunneqarnerani isumaqatigiis-sutigineqarpoq aningaasanut inatsimmi qitiusumik aningaasaliissutinik immikkoortitsisoqartalissasoq, kommuninut aningaasaqarnikkut tapiissutaasartussanik, innarluutilinnik immikkut akisuunik Danmark-imi inissiisoqartarneranut atatillugu. Tamatumalu kingorna aningaasaliissutit nunatsinni inissiisarnernut aamma atorsinnaasunnngortinneqarput. Aningaasanut inatsimmi aningaasaliissutit immikkoortitat kontomi pingaarnermi 30.13.07 Danmark-imi Kalaallit Nunaannilu inissiinernut qitiusumik immikkoortitat inissinneqarsimapput.

Aningaasaliissutit immikkoortitat ataatsimoortumik tapiissutit ilanngaavigineqarnerisigut aningaasalersorneqartarput.

Aningaasanut inatsimmi 2013-mi kontomi pingaarnermi 30.13.07 Danmark-imi Kalaallit Nunaannilu inissiinernut qitiusumik immikkoortitat Danmark-imi nunatsinnili inissiisarnernut atugassat 6 mio. kr.-it immikkoortinneqarput. Taamaattorli 2013-imi 4.096.000 kr.-it aningaasaliissutiniit atornerqarput, taamaattumillu ataatsimoortumik tapiissutit 1.904.000 kr.-inik 2015-imi qaffanneqassapput, 2013-imi atuinikinnerussutaasut annertoqataannik.

2015-imiit aningaasaliissutit immikkoortitat 3 mio. kr.-inik qaffanneqassapput. Aningaasaliissutit immikkoortitat qaffanneqarnerisigut Ilaqutariinnermut Inatsisinillu Atortitsinermut Naalakkersuisoqarfiup aningaasanik ingerlatsivinni kontomi pingaarnermi 30.10.37 Nuna tamakkerlugu meeqqanut inu-usuttunullu angerlarsimaffiit, kiisalu 3013.41 Innarluutilinnut angerlarsimaffinnut immikkoortitat iluanni nuussisinnaalernissaa isumannaarneqarpoq.

Aningaasaliissutit immikkoortitat ingerlatsivinnut taamaallaat nuunneqarsinnaapput KANUKOKA-mit akuersissummik pereernikkut. Aningaasaliissutinik nuussinerit ingerlatsivinni ataasiakkaani suliniutinut immikkut ittunut aningaasaliissutaassapput. Suliniutinut atugassanik aningaasanik nuussisoqarsinnaaneranut tunngaviusaaq immikkut ittumik suliniutinut atatillugu aammaarluni aningaasaliisoqarnissaanik qinnuteqartoqarsinnaannginnera. Taamaasillunilu aningaasat nuunneqartut immikkut ittumik suliniutinut matussutaasussat inaarutaasumik aningaasaliissutaasassapput.

Tamanna tunuliaqutaralugu illuatungeriit isumaqatigiissutigaa kommuninut ataatsimoortumik tapiissutit annikillineqassasut 2015-imi 1.096.000 kr.-inik aammalu 2016-imi 3 mio. kr.-inik. Ataatsimoortumik tapiissutit 3 mio. kr.-inik annikillineqarnerat illuatungaatigut qitiusumi aningaasaliissutissanik immikkoortitsinerup qaffaavigineqarneranik kinguneqarmat, aaqqiissut kommunini aningaasartuuteqarnikkut allannguissanngilaq.

5. 2012-imi akileraartarnikkut allannguinerit atortuulersikkiartuaarneri

Inatsisartut 2012-imi ukiakkut ataatsimiinnerminni akileraartarnikkut allannguinnissat akuersissutigaa. Akileraartarnikkut allannguinerit ilaatigut sinneqartoorutinut ingerlaannartumillu nalikilliisarnernut malittarisassanut tunngasuupput, aningaasaqarnikkullu kingunerisassai ukiut arlaqartut ingerlaneranni atortuulersikkiartuaarneqassallutik.

Illuatungeriit tamanna tunuliaqutaralugu isumaqatigiissutigaa ataatsimoortumik tapiissutit 1.585.000 kr.-inik 2018-imiit qaffanneqassasut.

6. Innarluutilinnut ulloq unnuarlu angerlarsimaffiit kiisalu meeqqanut inuusuttuaqqanullu – 2015-imi aningaasartuutissanut missingersuutit

Ilaqtariinnermut Inatsisinillu Atortitsinnermut Naalakkersuisoqarfiup aamma KANUKOKA-p innarluutilinnut ulloq unnuarlu angerlarsimaffinni kiisalu meeqqanut inuusuttuaqqanullu 2015-imut aningaasartuutissanut missingersuusiat isumaqatigiissutigaa.

Innarluutilinnut ulloq unnuarlu angerlarsimaffinnut kommunit ataatsimut aningaasartuutissaat 2015-imut 140.753.000 kr.-inut missingersuusiorneqarput. 2015-imi aningaasartuutissanut tamarmiusunut ilanngullugit naatsorsuunneqarput 2013-imi atuinikinnerussutaasut 681.000 kr.-it. Meeqqanut inuusuttuaqqanullu ulloq unnuarlu angerlarsimaffinnut kommunit 2015-imi aningaasartuutissaat ataatsimut 153.881.000 kr.-inut missingersuusiorneqarput. 2015-imi aningaasartuutissanut tamarmiusunut ilanngullugit naatsorsuunneqarput 2013-imi atuinikinnerussutaasut 1.855.000 kr.-it.

Innarluutilinnut kiisalu meeqqanut inuusuttuaqqanullu ulloq unnuarlu angerlarsimaffiit ingerlanneqarnerat kommuninit aningaasalersorneqarput. 2014-imi januarip aallaqqaata aallarnerfigalugu 100 %-imik annertussusileriikkamik akiliuteqartarnermut meeqqanik inuusuttuaqqanillu inisiisarneq allannguiffigineqarpoq. Siusinnersukkut aningaasartuutit 50 %-ii kommuninut ataatsimoortumik tapiissutit ilanngaavigineqarnerisigut aningaasalersorneqartarput, 50 %-illu sinneruttut annertussusileriikkamik akiliuteqartarnikkut aningaasalersorneqartarlutik.

7. Eqqakkanut kuuffinnik nutarterineq

Piffissami 2005-2009-mi kommunit eqqakkanut kuuffinnik nutarterinissamut 17 mio. kr.-inik ukiumut aningaasaliiffiqineqartarput. Piffissamilu 2010-2014-imi aningaasaliissutit 21,5 mio. kr.-inik annertussuseqartarlutik. Aningaasaliissutit kommuninut agguanneqartarsimapput suliassaqaarfimmi tassani aserfallatsaaliinermi kinguartoorutaasunik nalilersuinerit tunngavigalugit.

Illuatungeriit isumaqatigiissutigaaq eqqakkanut kuuffinnut aningaasaliissutit siunissami kommuninut ataatsimoortumik tapiissutinut aalajangersimasumik ilaatinneqartalissasut. Aningaasaliissutit kommuninut agguanneqartassapput naligiissaarinerimut iluseq atorneqartoq nutaaq tunngavigalugu. Aningaasaliissutit 2015-imut 21,5 mio kr.-inik annertussuseqarput, siunissamilu akinut akissarsianullu iluarsissutaasartut naapertorlugit nalimmassarneqartassallutik.

2010-2014-imi eqqakkanut kuuffiit nutarterneqarnissaannut aningaasanik immikkoortitsinikkut illuatungeriit isumaqatigiissutigaaq KANUKOKA-p suliat naammassiat ataatsimoortumik tapiissutinilu aningaasanik atuineq suliame uani 2014-ip naanerani nalunaarusiussagaa.

Illuatungeriit isumaqatigiissutigaaq KANUKOKA-p siunissami ukiut tallimakkaarlugit kommunit eqqakkanut kuuffinnik nutarterinerat nalunaarusiortalissagaa, tamatumunnga aamma ilanngullugu suliassat pilersarusiorneqartarnerat misissueqqaartarnerillu. Nalunaarusiortarnikkut isumannaarniarneqarpoq kommunit aningaasaliissutaasunik eqqakkanut kuuffinnik nutarterinerimut atuisarnissaat.

8. Innuttaasut isaaffiat Sullissivik.gl

Kommuninut ataatsimoortumik tapiissutini ukiuni kingullerni immikkoortitsisoqartarpoq 2,5 aamma 5,0 mio. kr. missaannik annertussusilinnik, kommuniniit pisortat ataatsimoorussamik innuttaasunut isaaffiliornerannut Sullissivik.gl –imut atorneqartussamik.

Innuttaasut isaaffiat taanna atortuulereerpoq, illuatungeriillu isumaqatigiissutigaaq kommunit aamma Namminersorlutik Oqartussat siunissami tamarmik ukiumut 1,5 mio. kr.-inik immikkoortitsisassasut Sullissivik.gl -imik ingerlatsinerimut aserfallatsaaliinermullu atorneqartussamik. Aningaasaliissutit pineqartut kommuninut ataatsimoortumik tapiissutiniit aningaasanut inatsimmi kontomut pingaarnermut 20.30.05 Nutaanngorsaaniissat suliassallu nuunneqartassapput.

Innuttaasut isaaffiat taanna ukiuni aggersuni tulluittuni ineriartorteqqinneqartussaavoq. Ineriartortitsinerimut tamatumunnga aningaasat atugassat aallaavittut nuna tamakkerlugu digitaliseeriinermi anguniakkat malitseqartinneqarnerannut atatillugu aningaasaliissutaasut aqutugalugit aningaasalerorneqassaaq, tamatumunngalu atatillugu pisortat ataatsimoorussamik digitaliseeriinermut suliniutaannut ataqatigiissaarneqassalluni.

9. Pisortanut akiitsunik akiliisitsiniartarneq

Pisortanut akiitsunik akiliisitsiniartarnermut suliassaqaqarfimmi sulianik ingerlatsineq suliallu aqqis-sunneqarnerat pillugit nalilersuineq ingerlanneqaereerpoq.

Illuatungeriillu isumaqatigiissutigaat nalilersuinermit inassuteqaataasut malersoqqinneqarnissaat, akiitsunik annikinnerulersitsiniarneq akiitsunillu nutaanik pilersoqannginnissaa eqqarsaatigalugit.

10. Pissutsit allat

Inatsisissatut siunnersuutit suli Inatsisartuni suliarineqarsimanngitsut aningaasaqarnikkut kinguneri-sassaat illuatungeriinniit kingornatigut isumaqatigiinniutigineqarsinnaapput.

Ataatsimoortumik tapiissutissanut isumaqatigiissut una Namminersorlutik Oqartussat kommunillu akornanni isumaqatigiissutigineqartoq aningaasaliissutinik akuersissuteqartartut akuersinissaat apeqqutaatillugu isumaqatigiissutigineqarpoq.

Nuuk, ulloq 1. oktobari 2014.

Vittus Qujaukitsoq
Aningaasaqarnermut Nunamullu
Namminermt Naalakkersuisoq

Martha Abelsen
Kalaallit Nunaanni Kommunit Kattuffiata
Siulittaasua

NAMMINERSORLUTIK OQARTUSSAT
KALAALLIT NUNAANNI KOMMUNIT KATTUFFIAT

**Ilanngussaq 1. Aningaasartuutissanut missingersuusiorfiusumi 2015-imi kommuninut ataatsimoortumik tapiis-
sutissanut isumaqatigiissummi immikkoortut assigiinngitsut**

	Isumaqa- tigiissut	Isu- maqa- tigiissut	--- mio. kr. ---		
			2014	2015	2016
Aallaaviit ukiup siuliani isumaqatigiissut tunngavigalugu	1.141.284	1.302.600	1.304,6	1.306,5	1.306,5
1. Akinut akissarsianullu iluarsiiissutit	14.992	11.956	12,0	12,0	12,0
2. Ineqarnermut tapiissutinut iluarsiiissutit	-2.933	-971	0,0	0,0	0,0
3. Siusinaartumik soraarnerussutisianut iluarsiiissutit	-18.919	-17.344	0,0	0,0	0,0
4. DK-mi nunatsinnilu inissiisarnernut qitiusumik immikk.	2.314	-1.096	-3,0	-3,0	-3,0
5. Akileraartarnikkut allannguinerit atortuulersikkiartuaar- neqarneri 2012	0	0	0,0	0,0	1,6
6. Meeqqanut inuusuttuaqqanullu ulloq unnarlu angerlarsimaffiit	558	0	0,0	0,0	0,0
7. Innarluutillit angerlarsimaffii	-199	0	0,0	0,0	0,0
8. Ilaqutariit innarluutilinnik oqilisaassisartut akissarsiassaat	700	0	0,0	0,0	0,0
9. Inarluutillit DK-mi najugartut tikeraartarnerat	700	0	0,0	0,0	0,0
10. Copydan	-289	0	0,0	0,0	0,0
11. Ernianik ilanngaateqartarnerup tamakkiisup atortuulersin- neqarnera	9.180	0	0,0	0,0	0,0
12. Ingerlatsiviit 100 % -imik akiliuteqartarnermut ikaarnerat	133.186	0	0,0	0,0	0,0
Kommuninut ataatsimoortumik tapiissutit nutaat	1.280.574	1.295.145	1.313,6	1.315,5	1.317,1